

ՔԱՂԱՔԱԿԱՆ

ՈՐՈՇՈՒՄ

ԱՆՂԵԹԵԹ ՄԵՂԱԴԻՐԱՆՔ Է ԱՌԱՋԱԴԻՐՎԵԼ

Արաբկիրի նախկին քաղաղես, այժմ «Հանրային ձայն» կուսակցության համախոհ Հովհաննես Շահինյանին ձերբակալելու որոշում է կայացվել: Ինչդեռ Հովհաննես Շահինյանն էր «Ֆեյսբուք»-ում հայցնել, Ոստիկանության երեսան ֆաղափի գլխավոր վարչության մի խումբ աշխատակիցներ այցելել են իր ծնողների բնակարան, որդեգրի, ֆենիչի որոշման համաձայն, ձերբակալել Հովհաննեսին, քեռն վերջինս, արդեն սեռական ժամանակ է, բացակայում է երկրից:



-Հաշվի առնելով նախաքննության գաղտնիքը՝ շատ չեմ կարող մանրամասնել, բայց բոլորին հայտնի գործի մասին է, որի մասին քննչական կոմիտեն հայտարարություն էր արել, եւ քրեական հետապնդումը դադարեցվել էր: -Պարոն Բաբայան, Հովհաննես Շահինյանը հայտարարել էր, որ իրեն ձերբակալելու որոշումը կապված է իր՝ Սերժ Սարգսյանի մասին հայտարարությունների հետ, ակնարկել էր, որ Սերժ Սարգսյանն է իր նկատմամբ իրականացվող հետապնդումների պատճառը: Որպես նրա պաշտպան՝ ի՞նչ կասեք այս հայտարարության մասին: -Իր քաղաքական նախասիրությունների եւ մտքերի մասին մեկնաբանություն չեմ անում. ես նրա փաստաբանական պաշտպանությունն եմ ստանձնել: Նրա ասածը կապ չունի պաշտպանության հետ, քրեական նյութերում չկա տվյալ, որ երրորդ նախագահի մասին իր արած հայտարարության հետ է կապված գործը: Այդ հայտարարությունը իր քաղաքական նախասիրություններին վերաբերող հայտարարություն է, որը փաստաբանության, իրավաբանության հետ կապ չունի: Այն, որ իր նկատմամբ կա քաղաքական հետապնդում, դա ակնհայտ էր նյութերին ծանոթանալու պահից: Այն, որ քննիչը անընդհատ ձգձգում էր ինձ՝ որպես պաշտպան ճանաչելը, դա էլ է խոսում քաղաքական հետապնդման մասին. քաղաքական հետապնդում իրականացնում են, ընդհանրապես, իշխանությունը եւ պետական մարմինները: Նրա հայտարարությունները՝ կապված նախկին նախագահների հետ, դրանք իր քաղաքական դիրքորոշումն են, որոնք իմ հետ քննարկելու շրջանակներից դուրս են: Այս պահին առկա նյութերում հանրապետության որեւէ նախագահի հետ կապված տվյալ չկա:

«Ոստիկանության երեսան քաղաքի գլխավոր վարչության մի խումբ աշխատակիցներ այցելել են ծնողներին բնակարան՝ պատճառաբանելով, որ, իբրեւ թե, ցանկանում են ինձ հետ գրուցել, բայց ինչպես ընդունված է մեր օրերում, այդքան մեծ կազմով բնակարան այցելում են միայն ձերբակալման նպատակով: Քանի որ մեր իրավապահները հետեւում են իմ էջին, ուստի ցանկանում եմ նշել, որ այս պահին գտնվում եմ ՌԴ Մոսկվա քաղաքում, եւ վերադառնալուս պես անպայման կայցելեմ իրենց»,- ապրիլի 19-ին գրել էր նա: ArmLur.am-ը այս առիթով գրուցել է նրա պաշտպան Արսեն Բաբայանի հետ: -Պարոն Բաբայան, ինչո՞ւ է Շահինյանին ձերբակալելու որոշում կայացվել, որն է կոնկրետ առաջադրված մեղադրանքը: -Հովհաննես Շահինյանին ձերբակալելու որոշում է կայացվել նրան հետագայում կալանավորման տանելու նպատակով, բայց կալանքի միջնորդությունը դատարանը մերժել է: Մեղադրանքը փողերի լվացման հողվածով է, ձերբակալության նպատակն ազատության մեջ գտնվող մեղադրյալին կալանավորման ներկայացնելն է, որը Հակակոռուպցիոն դատարանի կողմից մերժվել է, կալանավորման որոշում չի կայացվել: Նման անհեթեթ մեղադրանք է առաջադրվել: -Ի՞նչ չարաշահումների մասին է խոսքը:

ՈՒՇԱԳՐԱՎ ԻՐԱՎԻՃԱԿ՝ ՀԱԿԱՆՈՒՈՒՊՑԻՈՆ ԳԱՏԱՐԱՆՈՒՄ



«Ժողովուրդ» օրաթերթի տեղեկությունների համաձայն՝ Հակակոռուպցիոն դատարանում ուշագրավ իրավիճակ է ստեղծվել: Բանն այն է, որ կալանավորներն այնքան շատ են, որ նրանց դատարան ուղեկցող ոստիկանները չեն հասցնում նրանց բերել դատարան: Մեզ հասած տեղեկությունների համաձայն՝ բանը հասել է այնտեղ, որ անգամ Հակակոռուպցիոն դատարանի դատավորներն են դիմում ոստիկանության ուղեկցող խմբի հրամանատարին՝ խնդրելով լուծում տալ իրավիճակին, քանի որ, կալանավորներին դատարան չբերելով, նիստերն են հետաձգվում:

ՆՈՐ ՀԱՆՉՆԱԺՈՂՈՎ ԿԱՏԵՂԾՎԻ

Վարչապետ Նիկոլ Փաշինյանը միջգերատեսչական հանձնաժողով ստեղծելու որոշում է կայացրել: Որոշման հիմնավորման մեջ նշվում է՝ աշխատանքային խումբը ստեղծվել է միջազգային բեռնափոխադրումների մուլտի-մոդալ արագընթաց երթուղու գործարկման եւ իրանական Չաբահար նավահանգստում օպերատոր դառնալու հարցերը քննարկելու նպատակով: ArmLur.am-ը տեղեկացավ, որ միջգերատեսչական աշխատանքային խումբը ղեկավարելու է ՀՀ էկոնոմիկայի նախարարը, որը նաեւ աշխատանքային խմբի ղեկավարն է: Այդ կազմում ընդգրկված են նաեւ վարչապետի խորհրդական, արտաքին գործերի նախարարի տեղակալներ, էկոնոմիկայի նախարարի տեղակալը եւ այլք:

ԱԶՆԱՎՈՒՐԻ ԶՐԱՊՈՐՏՈՒՄ

ԹՈՎՄԱՍՅԱՆԻ ՅՈՒՐՕՐԻՆԱԿ ԱԿՑԻԱՆ

Ազգային ժողովի մարզու իրավունքների դաժնացումը եւ հանրային հարցերի մեծական հանձնաժողովի նախագահ Թադևոսի Թովմասյանը այսօր կարունակի իր ստորագրահավաքը Շառլ Ազնավուրի հրադարակում եւ հանդես կգա նաեւ յուրօրինակ ակցիայով: Թադևոսի Թովմասյանը նշում է, որ այս ձեռով իր աջակցությունն է հայցնում «ՈԶ Արցախի էթնիկ զսմանը» երիտասարդական շարժմանը:



«Մենք պահանջում ենք, որպեսզի Ադրբեջանի կողմից Բերձորի միջանցքում ապօրինի տեղադրված անցակետը հեռացվի, եւ Ադրբեջանի ցեղասպան քաղաքականությանը վերջ տրվի: Մենք պարտավոր ենք մեր միջազգային գործընկերների ուշադրությունը հրավիրել այդ հստակ իրողությունների վրա: Նպատակ ունենք ավելի շատ ստորագրություններ հավաքել, որպեսզի համայն աշխարհին ապացուցենք, որ Հայաստանը եւ Հայաստանի քաղաքացին միասնական են, եւ մենք չենք կարող երբեք պատկերացնել կամ ընդունել այն տեսակետը, որ Արցախը կարող է լինել Ադրբեջանի կազմում էթնիկ փոքրամասնություն: Մենք այդ անհամաձայնությունն ենք հայտնում նաեւ փաստարկված՝ թղթի վրա: Կարծում եմ, որ յուրաքանչյուր հայի

առնվազն պատասխանատվությունն է, որպեսզի իր դժգոհության ծայրը բարձրացնի մեր հայրենակիցների նկատմամբ տեղի ունեցող իրավունքների խախտումների վերաբերյալ»,-նշում է Թովմասյանը: Պատգամավորը հիշեցնում է, որ Արցախի 120 հազար քաղաքացի 4 ամիսից ավելի գտնվում են պատանդի վիճակում, խախտված է նրանց ազատ տեղաշարժի իրավունքը, կենսական ամենակարևոր

իրավունքները, մատակարարումները պատշաճ տեղի չեն ունենում: «Նույնիսկ թերմաման խնդիր կա երեսանների, ծերերի եւ հոյ կանանց շրջանում, ինչը խայտառակ իրողություն է 21-րդ դարում: Մենք պետք է շարունակենք մեր բողոքի ծայրը բարձրացնել՝ ի լուր աշխարհի»,- եզրափակեց Թովմասյանը: Այսօր արդեն յուրօրինակ ակցիա տեղի կունենա, եւ Շառլ Ազնավուրի հրապարակում կցուցադրվեն Շուշիից բերված գորգերը:

ԻՐԱՎԻՃԱԿ

ԿՈՉ

ԾՆՈՂՆԵՐԸ ՆՈՐ ՇԱԲԹՈՒՄ ԵՆ ՄԿՍՈՒՄ

ԵՌԱԿՈՐՄ ԸՆԾԱԿՆԵՐԸ

The Financial Times պարբերականը տեղեկություններ է հայտնել առաջիկայում սպասվող հնարավոր եռակողմ հանդիպման մասին: Մասնավորապես, պարբերականի տեղեկություններով՝ Եվրոպական խորհրդի նախագահ Շառլ Միշելը կիրակի օրը Բրյուսելում հյուրընկալելու է Ադրբեջանի նախագահ Իլհամ Ալիևին և Հայաստանի վարչապետ Նիկոլ Փաշինյանին:

Նշվում է, թե բրյուսելյան հանդիպումն առաջընթացի կարելի է նշան է, քանի որ նաև Վաշինգտոնի քառօրյա բանակցություններից հետո Եվրամիությունն ու Միացյալ Նահանգները փոփոխված ջանքեր են գործադրում բանակցություններ իրականացնելու համար:

Հավելենք, որ հունիսի 1-ին Հայաստանի և Ադրբեջանի ղեկավարները եւ մեկ հանդիպում կանցկացնեն արդեն Մոլդովայում Գերմանիայի կանցլեր Օլաֆ Շոլցի հետ միասին՝ գագաթաժողովի շրջանակներում:

ՔՆՆԱՐԿՈՒՄ

Վարչապետ Նիկոլ Փաշինյանի գլխավորությամբ՝ երեկ շարունակվում էին 2024-2026 թվականների միջնաժամկետ ծախսերի ծրագրի հարկաբյուջետային և ծախսային շրջանակի շուրջ քննարկումները: Վարչապետի աշխատակազմից ArmLur.am-ին հայտնում են, որ քննարկման առարկա են եղել 2024-2026թթ. միջնաժամկետ ծախսային ծրագրի նախագիծը, 2024-2026թթ. ՄԺԾՃ առաջարկի հիմքում ընկած հիմնական սկզբունքները, ծրագրի ծախսային շրջանակը, ՀՀ կառավարության ծրագրի առանցքային ուղղությունները: Անդրադարձ է եղել ընդհանրական մտտեցումներ պահանջող այլ հարցերի եւ: Մտքերի փոխանակություն է ծավալվել տնտեսական ակտիվության դրական զարգացումների, ՀՀ տնտեսական աճի սցենարային կանխատեսումների, ՀՀ տնտեսական աճի և ՀՆԱ-ի վերանայումների, միջնաժամկետ հարկային եկամուտների և դրանց ռիսկերի, պարտքի բեռի կառավարելի մակարդակում պահպանման, կապիտալ ծախսերի դերի բարձրացման ու ընթացիկ՝ գնաճային ճնշումներ չառաջացնող մակարդակի պահպանման վերաբերող հարցերի շուրջ: Կառավարության ղեկավարն ընդգծել է նախագծերի որակի և արդյունավետության բարձրացման կարևորությունը և հանձնարարել ամփոփել 2024-2026 թվականների միջնաժամկետ ծախսերի ծրագրի հարկաբյուջետային և ծախսային շրջանակի շուրջ հնչած դիտարկումներն ու միջգերատեսչական քննարկումները:

ԳԱՏԻ ԵՆ ՏՎԵԼ

ArmLur.am-ին հայտնի դարձավ, որ Գլխավոր դատախազությունը դատի է տվել ԱԺ նախկին պատգամավոր Միտր Սեդրակյանի որդուն՝ Դավիթ Սեդրակյանին: Ըստ հայցի՝ դատախազությունը պահանջում է 12.08.2004թ. որոշումները և, որպես հետևանք, 27.08.2004թ. «Դավիթ-Արտակ» ՍՊ ընկերության անվամբ թիվ 1289995, 07.09.2004թ. Դավիթ Սեդրակյանի անվամբ թիվ 1295380, 08.10.2004թ. Վարդան Սեդրակյանի անվամբ թիվ 1193285, 10.10.2004թ. Վարդան Սեդրակյանի անվամբ թիվ 1193284 կատարված իրավունքի պետական գրանցումները և սեղանամատյանի գրառումներն անվավեր ճանաչել:

Հասնել կառավարության հրաժարականին և ձեռավորել ազգային կառավարություն:

սրանք առաջնահերթ նպատակներն են, որ նշված են «Որդիների կանչ» սոցիալ-հայրենասիրական հասարակական կազմակերպության հայտարարության մեջ: Պատերազմում զոհվածների ծնողներին միավորող կազմակերպությունն երեկ հայտարարել է ակտիվ պայքար սկսելու մասին: Հայտարարությունն ամբողջական՝ ստորև:

«Հայրենիքի օրհասական վիճակով իսկապես մտահոգ քույրեր և եղբայրներ, 2020 թվականի Արցախյան 44-օրյա պատերազմից հետո սկիզբ առած գործընթացները, ցավոք, մեզ թույլ չեն տալիս լուր սգալ մեր որդիների կորուստը, քանզի պետականության շարունակական գահավիժումը, քաղաքական և իրավական փակուղին, անպատժելիության և երկար կի ստանդարտների մթնոլորտը շարունակում են իրենց ծախավեր ընթացքը: Այս իրավիճակում մենք՝ հայրենիքին ամենաթանկը՝ մեր որդիներին նվիրած ծնողներու, բախվելով իրավական պատենշների, քաղաքական անելանելիության, բարոյական վարքականոսների փլուզմանը և պայքարելով այդ ամենի դեմ իրավական մեթոդներով, հանգել ենք այն գիտակցման, որ այս իրավիճակից կարող ենք դուրս գալ միասնական քաղաքական ու քաղաքացիական պայքարի միջոցով: Ուստի մենք՝ «Որդիների կանչ» հասարակական կազմակերպությունը, որոշում ենք ընդունել սկսել ակտիվ պայքար՝ դիրքավորվելով որպես այդ պայքարի առաջամարտիկ (շարժիչ ուժ) և հետապնդելով բացառապես ոչ անձնական նպատակ՝ համախմբել Հայաստանի բոլոր կարող ուժերին, ում համար թանկ են պետականությունը և հայրենի հողը, որը բառիս բուն և փոխաբերական իմաստով ներծծված է մեր որդիների արյամբ:

Այս խորհրդանշական և նախկինում հաղթական օրը մենք հայտարարում ենք, որ սկսում ենք նախաձեռնողական պայքար՝ հանուն մեկ նպատակի՝ կասեցնել պետականության գահավիժումը և Հայաստանի, Արցախի և Արևմտյան Արևելյան Հայաստանի ու իրական շահակիցների՝ մեր դարավոր բարեկամ հարեանների ու դաշնակիցների հետ միասին կառուցել անվերապահ խաղաղությունը՝ համախմբել Հայաստանի բոլոր կարող ուժերին, ում համար թանկ են պետականությունը և հայրենի հողը, որը բառիս բուն և փոխաբերական իմաստով ներծծված է մեր որդիների արյամբ: Կասեցնել համատարած բարոյալքումն ու արժեզրկումը, իսկ հերոսաբար նահատակված զինծառայողների ծնողներին հանդես գալ ամրագրել հասարակական



քար՝ հանուն մեկ նպատակի՝ կասեցնել պետականության գահավիժումը և Հայաստանի դարձնել զարգացած ու անվտանգ պետություն: Համադրելով անվիճելի իրողությունները, ինչպես նաև մեր անձնական պայքարի դառը փորձը՝ մենք արձանագրում ենք, որ այդ նպատակին հասնելու արդյունավետ և իրատեսական բոլոր ծրագրերի գլխավոր նախապայմանը ներկայիս իշխանության հեռացումն է: Ուստի մեր առաջիկա քայլերն են լինելու՝ - Հասնել կառավարության հրաժարականին, - Ձեռավորել ազգային կառավարություն, - Հայաստանի, Արցախի և Արևմտյան Արևելյան Հայաստանի ու իրական շահակիցների՝ մեր դարավոր բարեկամ հարեանների ու դաշնակիցների հետ միասին կառուցել անվերապահ խաղաղությունը՝ համախմբել Հայաստանի բոլոր կարող ուժերին, ում համար թանկ են պետականությունը և հայրենի հողը, որը բառիս բուն և փոխաբերական իմաստով ներծծված է մեր որդիների արյամբ: Կասեցնել համատարած բարոյալքումն ու արժեզրկումը, իսկ հերոսաբար նահատակված զինծառայողների ծնողներին հանդես գալ ամրագրել հասարակական

ընդգծված հարգանքի և պետական երախտագիտության ինստիտուտը. սա դիտարկում ենք որպես մեր պետության և հասարակության գաղափարական, քաղաքացիական, բարոյական ամենակարեւոր արժեհամակարգի հիմնասյուն: Այս քայլերին հասնելու համար մենք ավելի քան վճռական ենք՝ համոզված, որ ներկայումս հենց այդ վճռականության շնորհիվ է հնարավոր հասնել բեկման ու փոփոխությունների: Մենք բարձր ենք գնահատում բոլոր ընդդիմադիր քաղաքական ուժերի, հասարակական կազմակերպությունների և անհատ քաղաքացիների կատարած այն ահռելի աշխատանքը, որը արվել է 2020 թվականի աղետալի պատերազմից հետո: Միաժամանակ փաստում ենք, որ այդ պայքարին ինչ-որ բան պակասում էր, միգուցե՝ վճռականությունը: Այդ իսկ պատճառով դիմում ենք բոլոր հասարակական ու քաղաքական ուժերին միանալ մեր սկսած պայքարին: Միասին կասեցնենք պետականության անկումն ու ապահովենք Հայաստանի իրական ինքնիշխանությունն ու հաջորդական զարգացումը»:

ԼՈՒՐԵՐ

ՄԻՊ-Ը ՄԱՍՆԱԿՑԵԼ Է ԸՆԾԱՐԿՄԱՆԸ

ՀՀ մարդու իրավունքների պաշտպանը մասնակցել է քրեական և քրեական դատավարության օրենսգրքերի կիրառմանը նվիրված քննարկմանը: Մասնապանը բացման խոսքով է հանդես եկել «ՀՀ քրեական և քրեական դատավարության օրենսգրքերի գործողության մեջ դնելու հիմնահարցերի և դրանց լուծման օրենսդրական և ինստիտուցիոնալ հեռանկարները» թեմայով քննարկմանը:

«Պաշտպանը շեշտել է, որ մարդու իրավունքների պաշտպանության տեսանկյունից չափազանց կարևոր է քրեական և քրեատարավարական պատշաճ օրենսդրություն ունենալը, և նշել, որ նոր օրենսդրությունն այս տեսանկյունից բավականին առաջադեմ կարգավորումներ է առաջարկում: Պաշտպանը նաև ընդգծել է, որ ինչպես իրավական նորմերի կիրառումը, այնպես էլ օրենսդրության ցանկացած փոփոխություն պետք է ամբողջությամբ համապատասխանի մարդու իրավունքների թե՛ ներպետական և թե՛ միջազգային չափանիշներին:

Աշխատաժողովը նախաձեռնվել է ԱԺ պետական-իրավական հարցերի մշտական հանձնաժողովի ու ՄԱԿ-ի զարգացման ծրագրի կողմից: Մասնակցել են օրենսդիր և գործադիր մարմինների, Բարձրագույն դատական խորհրդի, իրավապահ մարմինների ներկայացուցիչներ և դատավորներ, որոնք ներկայացրել են իրենց գործունեության արդյունքում նոր օրենսգրքերի կիրառման առնչությամբ արձանագրված խնդիրները»,- ասված է հարցազրույցի մեջ:

ՄԳՐԵԶԱՆԸ ԿՈՉ Է ԱՆՈՒՄ

Ադրբեջանը հայկական կողմին կոչ է անում բարի կամք դրսևորել և ավելի մեծ ջանքեր գործադրել կարգավորման բանակցությունների շրջանակներում բոլոր հարթություններում. այս մասին երեկ՝ Վիլնյուսում իր լիտվացի գործընկեր Գաբրիելյուս Լանդսբերգի հետ ճեպագրույցի ժամանակ, ասել է Ադրբեջանի արտգործնախարար Ջեյհուն Բայրամովը (հարցրդում է Day.Az-ը):

«Ես մանրամասն տեղեկություններ եմ ներկայացրել մեր տարածաշրջանում հետկոնֆլիկտային իրավիճակի, տարա-

ծաշրջանային խաղաղության օրակարգի առաջնությունն ուղղված Ադրբեջանի ջանքերի, այդ թվում՝ ԱՄՆ-ում Հայաստանի հետ խաղաղության համաձայնագրի նախագծի շուրջ բանակցությունների վերջին փուլի մասին»,- ասել է նա:

Նա նշել է, որ, չնայած մասնակի դիմադրության կարգավորման բոլոր երեք հարթություններում, այն էլ՝ խաղաղ պայմանագրի նախագծի նախապատրաստման հարցում, որը կորոշի երկկողմ հարաբերությունների հիմքը, պետական սահմանի դեֆինիտացիայի և տրանսպորտային ու կոմունիկացիոն կապերի վերականգնման հարցում ձեռք բերված առաջընթացը դեռևս չի արդարացրել սպասելիքները:

ՆՈՐ ՆՇԱՆԱԿՈՒՄ

Վազգեն Հարությունյանը նշանակվել է Երեւանի քաղաքապետարանի տրանսպորտի վարչության պետի ժամանակավոր պաշտոնակատար: Այս մասին երեկ՝ Երեւանի քաղաքապետարանի գործակալական կազմակերպության ժամանակ, հայտարարեց Երեւանի փոխքաղաքապետ Տիգրան Ավինյանը:

Նշենք, որ Հարությունյանը նախկինում զբաղեցնում էր «Փարկինգսերվիս» ՓԲԸ-ի տնօրենի պաշտոնը:

ՔՐԵԱԿԱՆ ՀԵՏԱՊՆԴՈՒՄ

ՄԵԿ ԱՆՁ ԿԱԼԱՆԱՎՈՐՎԵԼ Է

ՀՀ ԲՆՆՅԱԿԱՆ ԿՈՄԻՏԵԻ ՔԵՂԱՐԲՈՒՆԻՖԻ մարզային ԲՆՆՅԱԿԱՆ վարչության Սեւանի ԲՆՆՅԱԿԱՆ բաժնում նախաձեռնվել է ԲՆՆՅԱԿԱՆ վարույթ՝ ճամբարակ ֆաղաֆում խուլիզանության եւ դարեկների օրինական ծառայողական գործունեությանը միջամտելու դեղի առթիվ:


2023 թվականի մայիսի 4-ին՝ ժամը 22:30-ի սահմաններում, ծառայություն իրականացնող պարեկները ճամբարակ քաղաքի Սեպտեմբերի 21 փողոցում նկատել են, որ «Տոյոտա Ռավ-4» մակնիշի ավտոմեքենան կանգնել է հետիոտնային անցման վրա, որը զգուշացու միջ հետո տեղափոխվել է:

Պարեկները օրենքով սահմանված կարգով նշված ավտոմեքենան ստուգելու նպատակով կանգնեցրել են այն, վարորդից պահանջել ներկայացնել փաստաթղթերը եւ պարզել, որ վերջինս մեքենան վարում է առանց վարորդական իրավունքի վկայականի: Խոսակցությանը միջամտել է ավտոմեքենայում գտնվող ուղեւորը, որը, ինչպես պարզվել է, հանդիսանում է ճամբարակ համայնքի ղեկավարը, իսկ վարորդը՝ ճամբարակի համայնքապետարանի վարորդը: Խոսակցությունը վերածել է վիճաբանության, որի ընթացքում 20-25 անձինք մոտեցել են, միջամտել վիճաբանությանը: Հավաքվածները սկսել են քաջքշել պարեկային ծառայողներին, հայհոյել, իսկ նրանցից մեկը բռնուցքով հարվածել է պարեկներից մեկի դեմքի շրջանին եւ դիմել փախուստի:

Ձեռնարկված միջոցառումների արդյունքում պարզվել է նաեւ պարեկի դեմքին հարվածած անձի ինքնությունը, որը նույն համայնքի բնակիչ է՝ ծնված 1994թ.:

Դեպքի առթիվ ՀՀ քննչական կոմիտեի Քեղարքունիքի մարզային քննչական վարչության Սեւանի քննչական բաժնում, ՀՀ քրեական օրենսգրքի 297-րդ հոդվածի 2-րդ մասի 1-ին կետով եւ 452-րդ հոդվածի 3-րդ մասով նախատեսված հանցանքների հատկանիշներով, նախաձեռնվել է քրեական վարույթ:

Դեպքից ժամեր անց միջադեպի մասնակից նշված անձինք, պաշտոնատար անձի նկատմամբ բռնություն գործադրե-



լու անմիջականորեն ծագած հիմնավոր կասկածանքով, ձերբակալվել եւ ներկայացվել են վարույթին իրականացնող մարմին:

Նախաքննության ընթացքում կատարված ապացուցողական եւ վարույթային այլ գործողությունների արդյունքում ձեռք բերված փաստերի հիման վրա՝ որոշում է կայացվել՝ համայնքի ղեկավարի եւ վարորդի նկատմամբ ՀՀ քրեական օրենսգրքի 297-րդ հոդվածի 2-րդ մասի 1-ին կետով (մի խումբ անձանց կողմից խուլիզանություն կատարելը) հանրային քրեական հետապնդում հարուցելու մասին, իսկ որպես խափանման միջոց նրանց նկատմամբ ընտրվել է չբացակայելու արգելքը: Ծամբարակի 29-ամյա

բնակչի նկատմամբ հանրային քրեական հետապնդում է հարուցվել՝ ՀՀ քրեական օրենսգրքի 297-րդ հոդվածի 2-րդ մասի 1-ին կետով եւ 452-րդ հոդվածի 3-րդ մասով (պաշտոնատար անձի օրինական ծառայողական կամ քաղաքական գործունեությանը միջամտելը՝ բռնության գործադրմամբ): Վերջինիս նկատմամբ, դատարանի որոշմամբ, որպես խափանման միջոց կիրառվել է կալանավորումը:

Նախաքննությունը շարունակվում է: Միջոցներ են ձեռնարկվում՝ դեպքի բոլոր հանգամանքները, միջադեպին մասնակից անձանց ինքնությունը պարզելու, նրանցից յուրաքանչյուրի գործողություններին իրավական գնահատական տալու ուղղությամբ:

ԼՈՒՐԵՐ

ՀԱՆՑԱԳՈՐԾՈՒԹՅԱՆ 3 ՓՈՐՁ

Վարդենիսի «Երիտասարդ մարդկանց քրիստոնեական ասոցիացիայի» գործադիր տնօրեն Վարդիթեր Համբարձումյանն ArmLur.am-ի հետ զրույցում ակազանում է, որ կազմակերպության նկատմամբ հանցագործության 3 փորձ է արվել, հափշտակել են շենքի գույքային ռեսուրսները: «Վերջին դեպքը անցած տարի է եղել: Ծնունդների ազդեցության ներքո կարողացանք բացահայտել գողությունը, բայց քրեական վարույթին մինչ օրս ընթացք չի տրվել: Ահազանգս այն է, որ ոստիկանությունը եւ դատական մարմինները քննիչ արթնացան, որպեսզի այն կառուցվի, որը հիմնադրվել է բարեգործական նպատակով, որից ծառայի իր նպատակին»,- ասում է Մուրադյանը: **ՔՐԻՍՏՈՆԱՍ ՄՈՒՇԵՐՅԱՆ**

ՄԱՆՐԱՄԱՆԵՐ՝ ՍՊԱՆՈՒԹՅՈՒՆԻՑ

ՀՀ քննչական կոմիտեի Քեղարքունիքի մարզային քննչական վարչության Սեւանի քննչական բաժնում քննվող քրեական վարույթի շրջանակներում իրականացված քննչական եւ վարույթային գործողությունների արդյունքում պարզվել են Սեւան քաղաքի 85-ամյա բնակչուհու սպանության մի շարք հանգամանքներ: Վերջինիս որդին ձերբակալվել է:

2023թ. մայիսի 6-ին՝ ժամը 20:55-ին, «Սեւան» ԲԿ է գանգահարել Սեւան քաղաքի վերոնշյալ բնակչուհու որդին եւ հայտնել, որ մայրը իրենց տանը հանկարծամահ է եղել:

Դեպքի առթիվ ՀՀ քրեական օրենսգրքի 155-րդ հոդվածի 2-րդ մասի 9-րդ կետով նախաձեռնվել է քրեական վարույթ, որի շրջանակներում կատարված դեպքի վայրի գննության ժամանակ դիակի վրա, մասնավորապես՝ դեմքի ու պարանոցի շրջանում, հայտնաբերվել են կապտուկներ եւ արյունազեղումներ, վնասվածքներ են հայտնաբերվել նաեւ դիակի վերին եւ ստորին վերջույթների վրա: Ձեռնարկված միջոցառումների արդյունքում պարզվել է, որ նույն օրը՝ ժամը 16:00-ի սահմաններում իրենց տանը կենցաղային հարցերի շուրջ ծագած վիճաբանության ժամանակ, 50-ամյա տղամարդը ծեծի է ենթարկել մորը եւ ձեռքերով պարանոցը սեղմելու եղանակով խեղդամահ արել վերջինիս: 50-ամյա տղամարդը ձերբակալվել է:

Տուժողի որդին հարցաքննվել է եւ տվել ինքնախոստովանական ցուցմունք:

Միջնորդություն է ներկայացվել հսկող դատախազին՝ 50-ամյա տղամարդու նկատմամբ հանրային քրեական հետապնդում հարուցելու վերաբերյալ, որը բավարարվել է, եւ վերջինիս մեղադրանք է ներկայացվել՝ ՀՀ քրեական օրենսգրքի 155-րդ հոդվածի 2-րդ մասի 9-րդ կետով: Միջնորդություն է ներկայացվել դատարան նրա նկատմամբ կալանքը որպես խափանման միջոց կիրառելու վերաբերյալ:

Նախաքննությունը շարունակվում է:

ԼՈՒՐԵՐ

ՓՈՐՁԵԼ Է ՓԱՆՉԵԼ

Երեւանի Չարենցի փողոցում 28-ամյա եւ 37-ամյա երիտասարդների են ձերբակալել, որոնց մոտ հայտնաբերվել են զենքեր եւ փամփուշտներ:

Ոստիկանությունից հայտնում են, որ ոստիկանները Չարենցի փողոցում գիշերը՝ ժամը 02:25-ին, հայտնաբերել, ապօրինի զենք-զինամթերք պահելու եւ կրելու կասկածանքով ձերբակալել եւ Կենտրոնական բաժին են տեղափոխել 28-ամյա եւ 37-ամյա երկու երիտասարդի՝ «Հունդախի» մակնիշի մեքենայով հանդերձ: Մեքենայի խուզարկությամբ հայտնաբերվել են կարծեցված փողով 2 հրազեն եւ «Վինչեստր» տեսակի հրացան, իսկ 37-ամյա վարդենիսից վարորդի անձնական խուզարկությամբ հայտնաբերվել է 16 մմ տրամաչափի 4 փամփուշտ:

Ձերբակալման ժամանակ 37-ամյա վարդենիսիցին փորձել է փախչել, սակայն ընկել է, գլուխը խփել մայրեզրին եւ ստացել վնասվածք:

Կազմված փաստաթղթերն ուղարկվել են քննչական բաժին:

ՄԱՀԱՊԱՏԻԺ ԻՐԱՆՈՒՄ

Իրանում երկու մարդ մահապատժի է ենթարկվել համացանցում աթեիզմ քարոզելու, հակաիսլամական քարոզչություն իրականացնելու եւ Ղուրանն այրելու համար. հաղորդում է իրանական Tasniz գործակալությունը՝ հղում անելով երկրի դատական իշխանության մամուլի կենտրոնին:

Դատավճռի հիման վրա՝ մահապատժի են դատապարտվել Սադրոլլա Ֆազելի-Ջարեն՝ Մարգարեին վիրավորելու, դավա-

նափոխության, Մարգարեի մոր նկատմամբ աստվածանարգության, Ղուրանը այրելու միջոցով պղծելու, սուրբ հասկացությունները վիրավորելու եւ այլ անձանց մասնավոր լուսանկարներ հրապարակելու մեղադրանքով, եւ Յուսեֆ Մեհրաբադ՝ Մարգարեին վիրավորելու համար:

Գործակալության տեղեկատվության համաձայն՝ Մեհրաբադն ու Ֆազելի-Ջարեն, օգտագործելով իրանական հեռախոսային եւ ֆրանսիական վիրտուալ համարները, ստեղծել եւ կառավարել են համապատասխանաբար 15 եւ 20 ինտերնետային համայնքներ եւ ալիքներ, որոնք զբաղվում էին աթեիստական եւ հակաիսլամական քարոզչությամբ եւ վիրավորում էին մահմեդականների համար սրբազան հասկացություններն ու անհատներին: Հետաքննության ընթացքում հայտնաբերվել են նաեւ տեսագրություններ, որոնք վկայում են այն մասին, որ նրանք այրել են Ղուրանը:

● Ըստ ոստիկանության տվյալների՝ մայիսի 5-ից 7-ը Հայաստանի Հանրապետությունում բացահայտվել է հանցագործության 142 դեպք, որոնցից 3-ը՝ նախկինում կատարված:

ՄԱՐԶ

ՎՏԱՆՔԻ ԱՎԵԼԻ ԻՐԱԿԱՆ Է

Տավուշի մարզպետ Յայկ Ղալումյանը ապրիլի 19-ին որոշում է ընդունել 2023թ. հունիսի 8-ին իր ղեկավարությամբ անցկացնել հրամանաշտաբային ուսումնավարություն՝ «Հրդեհաշիջման աշխատանքների կազմակերպումը եւ իրականացումը անտառային հրդեհների ժամանակ» թեմայով, ուսումնավարության ղեկավարման շտաբի պետ Նշանակել Ներքին գործերի նախարարության փրկարար ծառայության Տավուշի մարզային փրկարարական վարչության պետ, փրկարարական ծառայության գնդապետ Վահան Փիրումյանին: Տավուշում անտառային հրդեհների վտանգը մշտապես առկա է. անցյալ տարվա ամռանը Իջեան քաղաքի ծայրամասում բարձրադիր, բարդ ռելիեֆ ունեցող տեղանքում մեծ հրդեհ եղավ, որը դժվարությամբ հրջեջ ուղղաթիռի միջոցով օրեր անց մարեցին, սակայն սահմանամերձ մարզի բնակչության համար առավել վտանգ են պարունակում աղբեջանական գիւղուժի հնարավոր ուսնձգությունները, Տավուշի բնակավայրերի ռեֆակտությունները եւ գնդակոծությունները: Տավուշի մարզպետին տեղեկատվական հարցում են ուղարկել՝ հարցնելով, թե մարզի սահմանամերձ բնակավայրերում, այդ բնակավայրերի հանրակրթական դպրոցներում ընդհանուր թվով քանի ռեֆապաստարան գոյություն ունի: Մարզպետի պատասխանում նշված է, որ այդ տեղեկատվությունը գաղտնի է: Հավելել, որ Տավուշի սահմանամերձ բնակավայրերում ռեֆապաստարանների առումով վիճակը բարվոք է:

ՆՈՐՈՓՈՒՄԸ ՉԵՆ ԱՎԱՐՏԵԼՈՒ

2022 թվականից Դիլիջան քաղաքում սկսվել է Երեւանի Հովհաննես Շարամբեյանի անվան ժողովրդական ստեղծագործությունների կենտրոնի Դիլիջանի մասնաճյուղի ժողովրդական արվեստի թանգարանի շենքի հիմնանորոգումը: Թանգարանի շենքը վատթար վիճակում էր գտնվում եւ հիմնանորոգման կարիք ուներ: Ծարտարապետական այդ կառույցը զբոսաշրջային Դիլիջանի հարուստ պատմության վառ վկաներից է: ՀԽՍՀ վաստակավոր նկարիչ, ՀԽՍՀ արվեստի վաստակավոր գործիչ Հովհաննես (Վանիկ) Շարամբեյանը իր տունը նվիրել է քաղաքին, 1979թ.-ին այն դարձրել է թանգարան: Այդ շենքը նախկինում պատկանել է իշխանուհի Մարիամ Թումանյանին: Ծրագրով նախատեսված է, որ թանգարանի շենքի նորոգումը պետք է ավարտվի 2023 թվականի ընթացքում, սակայն մամուլում, հղում անելով ԿԳՄՍ նախարարությանը, տեղեկություններ կան, որ շենքի նորոգումը կավարտվի 2024 թվականին: Երկու տարում երկհարկանի ոչ մեծ շինության, մի առանձնատան նորոգումը չէ՛ն կարողանում ավարտել: Կարծում են, որ թանգարանի շենքի նորոգման ժամկետի խախտման վերաբերյալ ԿԳՄՍ նախարարությունը պետք է պարզաբանում տա:

ՈՍՎԻՆ ՍՈՐՈՑՅԱՆ
Տավուշ

ՔՆՆԱՇՐՋԱՆ

ՀԱՍՏԱՏՎԵԼ Է ԺԱՄԱՆԱԿԱՑՈՒՅՑԸ

ԿԳՄՍ նախարարի հրամանով հաստատվել են 2023 թվականի 2-րդ քննաշտաբային դրսեկության ձեռնարկ (էֆստեռն) ավարտական քննությունների կազմակերպման եւ անցկացման աշխատակարգը եւ ժամանակացույցը:

Ըստ այդմ դրսեկության ձեռնարկ (էֆստեռն) ավարտական քննությունները կանցկացվեն 2023 թվականի հունիսի 5-ից մինչեւ հուլիսի 3-ը ներառյալ Երեւանի թիվ 198 ավագ դպրոցում: Հիմնական կրթության վկայական ստանալու համար դրսեկները 2023 թվականի 2-րդ քննաշտաբային ընթացքում «Հայոց [Էգու]», «Մաթեմատիկա», «Ֆիզիկա», «Քիմիա», «Կենսաբանություն», «Հայաստանի աշխարհագրություն», «Աշխարհագրություն» առարկաների քննությունները կհանձնեն գրավոր, իսկ «Հայոց եկեղեցու պատմություն», «Համաշխարհային պատմություն», «Հասարակագիտություն», «Ինֆորմատիկա», «ՆԶՊ եւ անվտանգ կենսագործունեություն», «Ռուս գրականություն» (ռուսերենով ուսուցում ստացած դրսեկների համար), «Օտար [Էգու]» («Անգլերեն», «Ֆրանսերեն», «Գերմաներեն», այլ [Էգուներ]՝ սովորողի ընտրությամբ), «Հայոց պատմություն», «Գրականություն», «Ռուսաց [Էգու]» առարկաների քննությունները՝ բանավոր:

Միջնակարգ կրթության ատեստատ ստանալու համար դրսեկները «Ֆիզիկա», «Քիմիա», «Կենսաբանություն», «Աշխարհագրություն», «Հայոց պատմություն», «Մաթեմատիկա», «Հայոց [Էգու] եւ հայ գրականություն» առարկաների քննությունները կհանձնեն գրավոր, իսկ «Օտար [Էգու]» (անգլերեն, ֆրանսերեն, գերմաներեն, այլ [Էգուներ]՝ սովորողի ընտրությամբ), «Ռուսաց [Էգու]», «Հայոց եկեղեցու պատմություն», «Համաշխարհային պատմություն», «Հասարակագիտություն», «Ինֆորմատիկա», «ՆԶՊ եւ անվտանգ կենսագործունեություն», «Ռուս գրականություն» (ռուսերենով ուսուցում ստացած դրսեկների համար) առարկաները՝ բանավոր:



«Ֆիզկուլտուրա» առարկայից կանցկացվի ստուգարք (սորմատիվների հանձնում): Գրավոր քննական թեստերը կազմում է Գնահատման եւ թեստավորման կենտրոնը՝ յուրաքանչյուր առարկայից առնվազն 4 թեստ՝ գնահատման 20 բալլային համակարգով: Բանավոր քննական հարցատուները կազմում են էքստեռն քննություններ ընդունող դպրոցի համապատասխան մեթոդական միավորումները՝ առնվազն 10 հարցատուն յուրաքանչյուր առարկայից՝ գնահատման 10 բալլային համակարգով: Հիմնական կրթության վկայականում եւ միջնակարգ կրթության ատեստատում ավարտական եւ պետական ավարտական քննական առարկաները գնահատվում են 20 բալլային համակարգով, իսկ տարեկան գնահատականները նշանակվում են՝ 20 բալլային համակարգից գնահատականները վերածելով 10 բալլային համակարգի: Բանավոր քննությունները գնահատվում

են 10 բալլային համակարգով եւ համարվում են տարեկան գնահատականներ: Գնահատականները գրանցելիս գնահատման 20 բալլային համակարգից 10 բալլային համակարգին անցման համապատասխանությունը կատարվում է՝ համաձայն հետևյալ սանդղակի.
20 միավոր - 10
18-19 միավոր - 9
16-17 միավոր - 8
14-15 միավոր - 7
12-13 միավոր - 6
10-11 միավոր - 5
8-9 միավոր - 4
Դրսեկության ձեռնարկ (էֆստեռն) քննությունները կանցկացվեն՝ համաձայն սահմանված ժամանակացույցի:
Դրսեկության ձեռնարկ (էֆստեռն) ավարտական քննությունները կազմակերպելու եւ անցկացնելու գործընթացը համակարգում է ՀՀ կրթության, գիտության, մշակույթի եւ սպորտի նախարարությունը:

ԿԱԼԱՆՔ

ՄԵՂԱԴԻՐԱՆՔ Է ՆԵՐԿԱՅԱՑՎԵԼ

ՀՀ Բնօրինակ կոմիտեի Արագածոտնի մարզային Բնօրինակ վարչությունում ավարտվել է Արագած գյուղի բնակչի կողմից դարեկների ծառայողական գործունեությանը միջամտելու դեղձի առթիվ նախաձեռնված ֆրեական վարույթի նախաձեռնությունը:

Այս մասին հայտնում են ԶԿ տեղեկատվության եւ հասարակայնության հետ կապերի վարչությունից՝ նշելով, որ քննությամբ պարզվել է հիմնավորվել է, որ 2023թ. ապրիլի 18-ին՝ ժամը 23:40-ին, ՀՀ ՆԳՆ պարեկային ծառայության Արագածոտնի մարզի գումարտակի պարեկներն «Ապարան 2» երթուղում ծառայություն իրականացնելիս Արագածոտնի մարզի Արագած գյուղի Կենտրոնական խնուղի եւ Կոմիտաս փողոցների խաչմերուկում նկատել են անկանոն ընթացող «Վագ 21154» մակնիշի ավտոմեքենան:

Վարորդից պարզաբանումներ ստանալու համար պարեկները բարձրախոսով հրահանգել են կանգնեցնել ավտոմեքենան եւ օրենքով սահմանված կարգով ներկայացնելով կանգնեցնելու պատճառը՝ պահանջել փաստաթղթերը: Պարզվել է, որ վարորդը, որը հանդիսանում է Արագած գյուղի բնակիչ՝ ծնված 1974թ., գտնվում է ոչ սթափ վիճակում, որի վերաբերյալ նրան պարզաբանվել են կատարած իրավախախտումը եւ հետեւանքները: Փաստի առթիվ պարեկների կողմից կազմվել է արձանագրություն, որի ընթացքում վերջինս վրդովվել է եւ հեռացել: Պարեկային ծառայության աշխատակիցներն օրինական պահանջ են ներկայացրել վերջինիս, որ ներկա գտնվի արձանագրությունը կազմելուն, որից հետո վարորդը հոյիոյանքներ է հնչեցրել նրանց հասցնել:

Վերջինիս հակաիրավական վարքագիծը կանխելու համար պարեկային ծառայության աշխատակիցները փորձել են նրան բերման ենթարկել, ինչին ի պատասխան՝ քաղաքացին քաջքշել է իրենց օրինական ծառայողական գործունեությունն իրականացնող պարեկներից մեկին, ձեռքով հարվածել նրանցից երկուսին, ձեռքին եղած պայուսակը նետել պարեկներից մեկի դեմքին, որից հետո Արագած գյուղի բնակիչը ձերբակալվել է:
Ձեռք բերված բավարար փաստերի հիման վրա՝ նրան մեղադրանք է ներկայացվել: Վերջինիս նկատմամբ կալանքը որպես խափանման միջոց ընտրելու վերաբերյալ միջնորդություն է ներկայացվել դատարան, որը բավարարվել է մասնակի, եւ նրա նկատմամբ այլընտրանքային խափանման միջոց է կիրառվել տնային կալանքը: Քրեական վարույթը՝ մեղադրական եզրակացությամբ, ուղարկվել է դատախազություն՝ մեղադրական եզրակացությունը հաստատելու եւ դատարան ուղարկելու համար:

● Անցած 3 օրվա ընթացքում Հայաստանի Հանրապետությունում արձանագրվել է 37 ՃՏՊ. 57 մարդ ստացել է տարբեր աստիճանի մարմնական վնասվածքներ:

ՏՈՒՑԱՆԻՇՆ ԱՎԵԼԱՑԵԼ Է

ԼՈՒՐԵՐ

ԵՐԿԱՐԱԺԱՄԿԵՏ ՀԱՄԱԳՈՐԾԱԿՑՈՒԹՅՈՒՆ

Անվճար կրթական ծրագիր՝ պատերազմից տուժած ընտանիքների երեխաների համար Team Telecom Armenia-ն սկսում է երկարաժամկետ համագործակցություն Smart Armenia-ի հետ՝ աջակցելու կազմակերպության բոլոր կրթական նախաձեռնություններին:

Համագործակցության շրջանակում Team-ը Smart Armenia-ին տրամադրել է անհրաժեշտ տեխնիկական միջոցներ, այդ թվում՝ նորագույն համակարգիչներ, իսկ դասասեյակներն ապահովել է բարձր թողունակությամբ ինտերնետ հասանելիությամբ, ինչը մեծապես կնպաստի կազմակերպվող դասընթացների որակի բարձրացմանը:

Ապրիլին Smart Armenia-ն մեկնարկել է ռոբոտաշինության անվճար դասընթացներ 44-օրյա պատերազմից տուժած ընտանիքների 10-ից 16 տարեկան եւ ինժեներությամբ հետաքրքրված պատանիների համար:

Դասընթացի մասնակիցները ստանում են գիտելիքներ ինժեներական ծրագրավորման, 3D մոդելավորման եւ ռոբոտաշինության բնագավառներում, իսկ արդեն դասընթացի ավարտին ստեղծում սեփական խելացի լուծումը:

Առաջին ու երկրորդ խմբերի դասընթացները սկսվել են, եւ այժմ ընթանում է երրորդ փուլի մասնակիցների հավաքագրումը: Ծրագիրը մեկնարկելու է մայիսի 12-ին եւ տևելու է 6 ամիս:

Ծրագրին գրանցվելու համար անհրաժեշտ է լրացնել ձեւաթուղթ, իսկ հարցերի դեպքում զանգահարել 033 555996 կամ գրել նամակ info@smartarmenia.org էլ. հասցեին: Վերջնաժամկետը մայիսի 10-ն է: Մասնակիցների ուսուցումը անվճար է դարձել «Հայաստան» համահայկական հիմնադրամի ֆինանսավորման միջոցով:

ՀՐՎԱՆԴԱՑՈՒԹՅԱՆ ԱՃ

Ռուսաստանում առաջնային ճարպակալմամբ հիվանդացությունը 2022 թվականին աճել է 10,7 տոկոսով, հայտնում է «ՌԻԱ Նովոստի»՝ վկայակոչելով ՌԴ առողջապահության նախարարության զեկույցը:

Ռուսաստանի Դաշնությունում առաջնային ճարպակալման դեպքերի առավելագույն աճը պետք է կազմեր 8,7տոկոս, բայց դեպքերի իրական աճը գերազանցել է այն եւ կազմել 10,7 տոկոս: Առողջապահության նախարարությունը նման ավելցուկը համարում է «չափազանց տագնապալի միտում»:

Զեկույցում ընդգծվում է, որ ճարպակալումը սրտանոթային, օսկոլոգիական հիվանդությունների, շաքարային դիաբետի զարգացման եւ պտղաբերության նվազման ռիսկի գործոն է:

ՑՈՒՑԱՆԻՇՆ ԱՎԵԼԱՑԵԼ Է

ԱՄԵՆԱՇԱՏ ԱՐՑԱՂԱՆՎԱԾ ՄԵՑԱՂՆԵՐ

Հայաստանն այս տարվա առաջին եռամսյակում արտահանել է 1 մլրդ 664 մլն 789.9 հազար դոլարի ադրանք, ինչը նախորդ տարվա նույն ժամանակաշրջանի նկատմամբ ավելացել է 2.3 անգամ: Արտահանման ծավալներում ամենամեծ մասը բաժին է ընկնում թանկարժեք եւ կիսաթանկարժեք բարեխն, թանկարժեք մետաղներին ու դրանցից դասրասված իրերին:



ArmLur.am-ն այս մասին տեղեկանում է ՀՀ վիճակագրական կոմիտեի հրապարակած տվյալներից:

Իսկ ինչ վերաբերում է ներմուծմանը, ապա այն կազմել է 2 մլրդ 583 մլն 263.3 հազար դոլար. նախորդ տարվա նույն ժամանակահատվածի նկատմամբ աճը 89.1 տոկոս է: Ընդհանուր առմամբ Հայաստանի արտաքին եւ փոխադարձ առևտրաշրջանառությունը տարվա առաջին եռամսյակում կազմել է 4 մլրդ 248 մլն 53.2 հազար դոլար, ինչը 2 անգամ ավել է նախորդ տարվա նույն ժամանակահատվածի ցուցանիշից:

Ամենաշատ արտահանումն արվել է դեպի Ռուսաստան՝ 838 մլն 777.9 հազար դոլարի. սա 4.5 անգամ ավելի շատ է, քան 2022-ի հունվար-մարտին արտահանվածը: Արտահանման ծավալներով երկրորդ տեղում Արաբական Միացյալ Էմիրություններն է: Այս տարվա առաջին եռամսյակում Հայաստանից ԱՄԷ է արտահանվել 288 մլն 774.9 հազար դոլարի արտադրանք. նախորդ տարվա նույն ժամանակահատվածի համեմատ աճը 13.2 անգամ է: Հաջորդը Նիդերլանդներն է: Հայաստանից Նիդերլանդներ արտահանումը

2023-ի հունվար-մարտին կազմել է 100 մլն 128.9 հազար դոլար. նախորդ տարվա առաջին եռամսյակի համեմատ աճը 80.5 տոկոս է:

Ընդհանուր առմամբ, Հայաստանից ԵԱՏՄ երկրներ արտահանման ծավալը կազմել է 878 մլն 138.2 հազար դոլար, իսկ ԵՄ երկրներ՝ 185 մլն 436.7 հազար դոլար:

Ինչ վերաբերում է արտահանված ապրանքներին, ապա առաջին եռամսյակում արտահանման ծավալներում ամենամեծ բաժինն ունեն թանկարժեք եւ կիսաթանկարժեք քարերը, թանկարժեք մետաղները եւ դրանցից իրերը՝ 382 մլն 445.4 հազար դոլարի. սա 2022-ի հունվար-մարտի նկատմամբ ավելացել է շուրջ 4 անգամ: Այնուհետեւ Հայաստանից ամենաշատն արտահանվել են մեքենաներ, սարքավորումներ եւ մեխանիզմներ՝ 270 մլն 988.6 հազար դոլարի. աճը 16.9 անգամ է: Երրորդ տեղում պատրաստի սննդի արտադրանքն է. Հայաստանից հունվար-մարտին արտահանվել է 208 մլն 456.6 հազար դոլարի պատրաստի սննդի արտադրանք. 2022-ի նույն ժամանակաշրջանի համեմատ աճը 53.3 տոկոս է:

«ՅՈՒՆԻԲԱՆԿ»

ՅՈՒՆԻԲԱՆԿ
 ՀԱՅԱՏԱՐԱՐՈՒԹՅՈՒՆ ՀՐԱՊԱՐԱԿԱՑՄԱՆ
 ԱՌԱՋԱՐԿԻ ՄԱՍԻՆ

Թողարկողի անվանումը՝ «Յունիբանկ» բաց բաժնետիրական ընկերություն:

Առաջարկվող արժեթղթերի դասը, ծավալը և այլ հիմնական տվյալները	
Արժեթղթերի դասը	Սովորական բաժնետոմս
Արժեթղթերի ձևը	ոչ փաստաթղթային
Բաժնետոմսերի քանակը	15,000,000 հատ
Մեկ բաժնետոմսի տեղաբաշխման արժեքը	300 ՀՀ դրամ
Բաժնետոմսերի ընդհանուր արժեքը տեղաբաշխման գնով	4,500,000,000 ՀՀ դրամ

Հրապարակային առաջարկի նախատեսվող ժամանակահատվածը

Տեղաբաշխումը սկսելու հստակ օրը կիրառարակվի Բանկի կայքում տեղաբաշխման օրվանից առնվազն 3 աշխատանքային օր առաջ:

Բաժնետոմսերի հրապարակային առաջարկը մեկնարկել է սույն Ազգային Կենտրոնական Բանկի կողմից գրանցմանը հաջորդող 3-րդ աշխատանքային օրը և տևելու է մինչև 22 աշխատանքային օր:

Ազգազիրը հրապարակվել է «Յունիբանկ» ԲԲԸ-ի կայքում 08.05.2021թ.-ին:

Ներդրողը կարող է ձեռք բերել Ազգազիրը և Ազգազիրն կից ներկայացվող փաստաթղթերը թղթային տարբերակով «Յունիբանկ» ԲԲԸ-ի գլխամասային գրասենյակում (ք.Երևան, Չարենցի 12, թիվ 53, 1-5) և մասնաճյուղերում (հասցեները տես բանկի ինտերնետային կայքում՝ www.unibank.am), իսկ էլեկտրոնային պատճենը՝ «Յունիբանկ» ԲԲԸ-ի ինտերնետային կայքում՝ www.unibank.am:

Ազգազիրը ՀՀ Կենտրոնական Բանկի կողմից գրանցվել է 03.05.2021թ.-ին ՀՀ ԿԲ թիվ 1/226Ա որոշման համաձայն:

«Յունիբանկ»-ը վերահսկվում է ՀՀ կենտրոնական բանկի կողմից:

«Տողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԴԱՍԱԿԱՆ

ՖԼԱՄԵՆԿՈՅԻ ՄԻՋԱԶԳԱՅԻՆ ՓԱՌԱՏՈՆ՝ ՀԱՅԱՍՏԱՆՈՒՄ

Ֆլամենկոյի միջազգային Gravity փառատոնին (International Flamenco Festival), որը կանցկացվի մայիսի 8-14-ը Երևանում, սեղի կունենան համերգներ, կցուցադրվի ներկայացում, ինչպես նաև արժեքից Հայաստան ժամանած արտիստները կանցկացնեն վարդեսուրյան դասեր:

Փառատոնը «Չգողականություն» համերգով կմեկնարկի մայիսի 8-ին Երևանի պատանի հանդիսատեսի թատրոնում: Երեկոյին ելույթ կունենան պարողներ Ֆաննի Արան (ԱՄՆ-Ֆրանսիա, Իսպանիա), Զրիստիան Պերեսը (Իսպանիա), Օլգա Պլենիցինան (Ռուսաստան), Օքսանա Սերիկը (Ռուսաստան), Ջուլիա Պլամը (Ռուսաստան), կիթառահար Խոսե Ռոմերո Դիասը (Իսպանիա), վոկալ ֆլամենկո Մելքիոր Կամպոսը (Ֆրանսիա), «Ջարթոնք» պարային համույթը, Մանուչարյան տրիոն, Արսեն Պետրոսյան քառյակը: Մայիսի 9-ին Երևանի պատանի հանդիսատեսի թատրոնի բեմում կներկայացվի «Յոգի» ֆլամենկո ներկայացումը: «Յոգին բոլոր կենդանի էակների էությունն է: Յոգու լեզուն համընդհանուր է եւ հասկանալի բոլորին եւ ամենուր: Պետք է հսկանքներն իմանալ, որպեսզի կարեկցես այն էմոցիաներին, որոնք ֆլամենկոյի երգիչն է ներդրում իր պատմություններում: Պարտադիր է լինել դասական երաժշտության գիտակ Վիվալդիի փայլուն ստեղծագործությունների միջով թռչելու զգացումն ապրելու համար: Դուք կարող եք գտնել ձեր հոգու համար թանկ մի բան այնտեղ, որտեղ երբեք չէիք ակնկալում»,-նշված է ներկայացման նկարագրում: Ներկայացման շրջանակում թատրոնի բեմում Ռուսաստանի, Հայաստանի եւ Իսպանիայի արտիստները կստեղծեն մեկ կտավ, որը բաղկացած է տարբեր դարաշրջանների եւ ոճերի երաժշտությունից, ֆլամենկո պարերից եւ տեսահոլովակներով:



Մասնակիցներն են՝ Հայաստանի Կամերատա նվագախմբի կոնցերտմայստեր՝ Աստղիկ Վարդանյան, վոկալ ֆլամենկո՝ Մելքիոր Կամպոսի (Ֆրանսիա), ֆլամենկո պարային թատրոնի (գեղարվեստական ղեկավար՝ Եկատերինա Ցվետկովա), խորեոգրաֆիա՝ Եկատերինա Ցվետկովա, Խավիեր Լատորե, երաժշտությունը՝ Անտոնիո Վիվալդի, Աստոր Պիացոլլա, իսպանական ժողովրդական երաժշտություն: «Միջազգային համագործակցության եւ փոխադարձ համակրանքի վրա հիմնված ամուր կապերի ստեղծումը, որը ծնվում է տարբեր երկրների մասնակիցների միջև, փառատոնի հիմնական նպատակներից է: Ֆլամենկոյի արվեստը վաղուց դարձել է միջազգային: Gravity փառատոնին հրավիրելով տարբեր երկրների արտիստներ՝ մենք ցանկանում ենք աջակցել միասության եւ համերաշխության նախաձեռնությանը: Եվ որպես մեկնարկային հարթակ ընտրելով հյուրընկալ Հայաստանի մայրաքաղաք Երևանը՝ ես մեկ անգամ ցանկանում եմ ցույց տալ, թե որքան անսահման է այս արվեստը»,- նշում են միջոցառման կազմակերպիչները:

ԼՈՒՐԵՐ

ԳՈՒՐՄ ՄԵԱՑ ԱՌԱՋՆՈՒԹՅՈՒՆԻՑ

Հայաստանի բնօրինակ հավաքականի անդամ, Եվրոպայի առաջնության բրոնզե մեդալակիր Նարեկ Մանասյանը դուրս եկավ աշխարհի առաջնության քառորդ եզրափակիչ: Ուզբեկստանի մայրաքաղաք Տաշքենդում ընթացող աշխարհի առաջնության 92 կգ քաշային կարգում Հայաստանի հավաքականի անդամ Նարեկ Մանասյանը երկրորդ մենամարտն անցկացրեց: Հայ բռնցքամարտիկն ուժերը չափեց Իրանի ներկայացուցիչ Պուրիա Ամիրիի հետ: Նա հաղթեց 5:0 հաշվով: Մանասյանը դուրս եկավ աշխարհի առաջնության քառորդ եզրափակիչ: Երեկ իր մեկնարկային մենամարտում Ռուսլան Ասլիկյանը մրցել էր Վենեսուելան ներկայացնող Սեգունդո Ռիվասի հետ: Հայ բռնցքամարտիկը զիջել էր 0:5 հաշվով:

ՉԼ-Ի ՀԱՂԹՈՂ

Հայաստանի Ֆուտզալի ազգային հավաքականի դարպասապահ Լուան Մյուլլերը դարձել է Չեմպիոնների լիգայի հաղթող: Այս մասին հայտնում է Հայաստանի ֆուտբոլի ֆեդերացիան: Եզրափակչում Լուանի ակումբը՝ «Պալմա Ֆուտզալը», մրցում էր Լիսաբոնի «Սպորտինգ»-ի հետ: Հանդիպման հիմնական ժամանակն ավարտվել է 1-1 հաշվով: Հետխաղյա 6-մետրանոց հարվածաշարում իսպանական ակումբը հաղթել է 5:3 հաշվով՝ շնորհիվ հենց Լուանի կողմից հետ մղված հարվածի:

ՀԵՌԱՑԻՐԵԼ ԵՆ ՄԱՐԶՉԻՆ

Վրացական «Թելավին» գլխավոր մարզիչի պաշտոնից հեռացրել է Հայաստանի հավաքականի Նախկին գլխավոր մարզիչ Վարդան Մինասյանին. հաղորդում է ակումբի մամուլի ծառայությունը: Վարդան Մինասյանը «Թելավին» գլխավորել էր այս տարվա մարտին: Նրա ղեկավարությամբ թիմը Վրաստանի առաջնությունում անցկացրել է 7 հանդիպում, կրել 5 պարտություն, 2 խաղ ավարտվել է ոչ-ոքի: «Թելավին» 12 տուրից հետո 7 միավորով 8-րդն է 10 թիմերի պայքարում:

ՆՎԱՃԵԼ Է ԵՐԵՔ ՄԵԳԱԼ

Հայաստանի ներկայացուցիչ Աննա Բադալյանը մասնակցել է Ֆրանսիայի Նիցա քաղաքում անցկացված Very Nice մրցաշարին: Նա նվաճել է երեք մեդալ. հաղորդում է ԱՀՖ-ի մամուլի ծառայությունը: Աննա Բադալյանը ոսկե մեդալներ է նվաճել բազմամարտում եւ գնդակով վարժությունում, արծաթե մեդալ՝ ժայռակրակով վարժությունում:

ԵՐԻՏԱՍԱՐԴ ԿՈՄՊՈԶԻՏՈՐ

ՀՈՒՆԵԼՅԱՆԱԿԱՆ ՀԱՄԵՐԳ՝ ԵՐԵՎԱՆՈՒՄ

Կոմպոզիտոր Ժիրայր Շահիրմանյանն իր ստեղծագործական առաջին ֆայերն արել է 12-13 սարեկանում, սակայն որոշիտապես գործունեության մեկնարկ է համարում 2003 թվականը, երբ գրել է «Մոնաս դաբնամուրի համար» գործը:



2023-ին Շահիրմանյանի համար կրկնակի հոբելյանական է՝ երեսուներեկամյակ եւ ստեղծագործական գործունեության քսանամյակ: Կոմպոզիտորը հոբելյանները նշելու է հեղինակային համերգով, որը տեղի կունենա մայիսի 17-ին Կոմիտասի անվան կամերային երաժշտության տանը: Համերգին հանդես կգան նշանավոր ջութակահար, Գինեսի ռեկորդակիր, Հայաստանի Հանրապետության վաստակավոր արտիստ Նիկոլայ Մարոյանը, թավջութակահար Դավիթ Մելքոնյանը, որը միջազգային մրցույթների դափնեկիր է, դաշնամուրի մոտ է լինելու հեղինակը՝ միջազգային մրցույթների դափնեկիր, Հայաստանի կոմպոզիտորների միության անդամ Ժիրայր Շահիրմանյանը:

● Մայիսի 10-ին «Հայ-Արտ» մշակութային կենտրոնում տեղի կունենա «Վան Գոգ եւ Բենքսի» ցուցահանդեսը: Տոմսերի արժեքը՝ 3000-3500 դրամ: Սկիզբը՝ ամեն օր՝ ժամը 10:00-ից 21:00-ն:



Էջը՝ ՌՈՋԱ ՊՈՂՈՍՅԱՆԻ

ՄԱՔՍԱՅԻՆ

ՀԱՐՑ. Խնդրում եմ ասել՝ եթե անձը հեծանվով հասում է Հայաստանի Հանրապետության մասսային սահմանը, ապա արդյոք հեծանվով դիտվում է ՏՐԱՆՍՊՈՐՏԱԿԻՆ միջոց:

Գնել Հարությունյան (32 տարեկան)



ՊԱՏԱՍԽԱՆ. Քաղաքացու հարցին ի պատասխան՝ տեղեկացնում ենք, որ «Մաքսային կարգավորման մասին» Հայաստանի Հանրապետության օրենքի 5-րդ հոդվածի համաձայն՝ ապրանքներ են համարվում ՀՀ սահմանով տեղափոխվող բոլոր տեսակի առարկաներն ու իրերը, այլ գույքը, այդ թվում՝ արժույթը, արժույթային արժեքները, էլեկտրական, ջերմային եւ այլ տեսակի էներգիան, փոխադրամիջոցները՝ բացառությամբ նույն հոդվածով սահմանված տրանսպորտային միջոցների, իսկ «Մաքսային կարգավորման մասին» ՀՀ օրենքի 5-րդ հոդվածի համաձայն՝ տրանսպորտային միջոցներ են համարվում բոլոր տեսակի փոխադրամիջոցները, որոնք օգտագործվում են Հայաստանի Հանրապետության սահմանով ուղեւորների եւ ապրանքների միջազգային տեղափոխման նպատակով, այդ թվում՝ բեռնարկերը (կոնտեյներները) եւ այլ օժանդակ փոխադրամիջոցները:

ՀՀ մաքսային սահմանով տեղափոխվող հեծանվով չի հանդիսանում ՀՀ մաքսային սահմանով ուղեւորների եւ ապրանքների միջազգային տեղափոխման նպատակով օգտագործվող տրանսպորտային միջոց, այլ հանդիսանում է անձի հետ ՀՀ մաքսային սահմանով տեղափոխվող անձնական գույք՝ համապատասխանելով «Մաքսային կարգավորման մասին» ՀՀ օրենքով սահմանված «ապրանք» հասկացությանը:

Հայաստանի Հանրապետության պետական եկամուտների կոմիտե

«ԺՈՂՈՎՈՒՐԳ». Նշենք, որ սահմանված դեպքերում մաքսատուրքը եւ հարկերը վճարվում են մինչեւ մաքսային հայտարարագիր ներկայացնելը կամ դա ներկայացնելուն զուգահեռ:

ՀԱՍԱՐԱԿՈՒԹՅՈՒՆ

ՀԱՐՑ. Եթե ԱՊՊԱ հասուցման գործընթացում առաջնությունը ընկերության կողմից հասուցման ժամկետի խախտում է եղել, ապա ի՞նչ դատախազանսվող միջոցներ են սահմանված:

Ռիմա Մնացականյան (38 տարեկան)



ՊԱՏԱՍԽԱՆ. Հայտնում ենք, որ ապահովագրական հատուցման գործընթացի կարգավորման՝ ներառյալ փորձաքննությունների, նախնական գննության գործընթացի իրականացման, ապահովագրական հատուցման վճարման եւ ծանուցումների իրականացման համար «Հայաստանի ավտոապահովագրողների բյուրո» ԻԱՄ -ի RL 1-001 կանոններով (ԱՊՊԱ Ընդհանուր պայմաններ) նախատեսված ժամկետների խախտման դեպքում ապահովագրական հատուցում վճարելու վերաբերյալ դիմում ներկայացրած անձն իրավունք ունի դիմում ստացած ապահովագրական ընկերությունից պահանջել յուրաքանչյուր կետանցված օրվա համար վճարել տույժ՝ օրենքով սահմանված չափով, իսկ օրենքով համապատասխան խախտում համար տույժ սահմանված չլինելու դեպքում՝ տուժողի կրած տվյալ տեսակի վնասի համար նախատեսված ապահովագրական գումարի 0,1 տոկոսի չափով, որը չի կարող պակաս լինել հիսուն հազար ՀՀ դրամից, եթե միեւնույն հատուցման գործընթացում սույն կանոններով նախատեսված բոլոր գործողությունների համար սահմանված ժամկետների կետանցված օրերի քանակը 7 եւ ավելի է:

Ֆինանսական համակարգի հաշտարար

«ԺՈՂՈՎՈՒՐԳ». Ի դեպ, միեւնույն համադրելի ժամանակահատվածում սույն կանոններով նախատեսված տարբեր գործընթացներ կետանցվելու դեպքում այդ ժամանակահատվածի համար տույժերը հաշվարկվում են մեկ անգամ:

ԼՈՒՐ ԿԱԴՐ

Լուսանկարն արվել է Գյումրիում



Գյումրու Արամ Սարգսյանի անվան խաղերի մանկապատանեկան մարզադպրոցում ՀՀ կրթության, գիտության, մշակույթի եւ սպորտի նախարարության նախաձեռնությամբ անցկացվել են հանրակրթական դպրոցների 1-3-րդ դասարանների միջև «Սպորտուսուկի» մարզական միջոցառման հանրապետական եզրափակիչ փուլի մրցումները: Համառ եւ անզիջում մրցապայքարում հաղթողի տիտղոսը նվաճել է Գյումրու թիվ 30 հիմնական դպրոցի թիմը, որը լավագույն արդյունքն է ցույց տվել եզրափակիչ փուլի ծրագրով անցկացված 5 վարժությունում:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	- 2 + 2 +14 + 18	Արարատ	+ 7 + 10 +24 + 26
Կոտայքի լեռներ	- 2 + 2 +13 + 16	Արմավիր	+ 6 + 8 +24 + 26
Կոտայքի նախալեռներ	+ 5 + 7 +18 + 20	Վայոց ձորի լեռներ	- 1 + 2 +14 + 16
Գեղարքունիք	0 + 4 +13 + 18	Վայոց ձորի նախալեռներ	+ 5 + 5 +19 + 23
Լոռի	+ 2 + 6 +12 + 18	Սյունիքի հովիտներ	+ 8 + 11 +23 + 28
Տավուշ	+ 3 + 8 +20 + 24	Սյունիքի նախալեռներ	+ 3 + 6 +17 + 20
Արագածոտնի լեռներ	- 1 + 3 +13 + 16	Արցախ	+ 7 + 11 +20 + 25
Արագածոտնի նախալեռներ	+ 5 + 8 +18 + 23	Երեւան	+ 7 + 9 +21 + 23

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության **8.5.2023**

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: